



Broj: 02-04-15280-1.1/23
Sarajevo, 27.04.2023. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), a u vezi sa članom 34. stav (3) Poslovnika o radu Vlade Kantona Sarajevo („Službene novine Kantona Sarajevo“, broj: 4/16, 36/16, 43/20, 10/21 i 33/22) Vlada Kantona Sarajevo, na **Petoj** sjednici održanoj **27.04.2023.** godine, donijela je

ZAKLJUČAK

1. Prihvata se Izjašnjenje Ministarstva pravde i uprave Kantona Sarajevo, broj: 03-04-04-8904/23 od 13.04.2023. godine na zastupničku inicijativu zastupnice Marijele Hašimbegović, upućenu na Petoj radnoj sjednici Skupštine Kantona Sarajevo, održanoj dana 24.03.2023. godine.
2. Izjašnjenje iz tačke 1. ovog zaključka dostavlja se Skupštini Kantona Sarajevo.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Služba za skupštinske poslove Kantona Sarajevo,
7. Evidencija,
8. A r h i v a.



Broj: 03-04-04-8904/23
Sarajevo, 13.04.2023. godine

VLADA KANTONA SARAJEVO
Stručna služba Vlade Kantona Sarajevo

PREDMET: Izjašnjenje na zastupničku inicijativu zastupnice Marijele Hašimbegović, dostavlja se –

VEZA: Akt Skupštine Kantona Sarajevo, broj: 01-04-7728-2/23 od 24.03.2023. godine

Zastupnica Marijela Hašimbegović na Petoj radnoj sjednici Skupštine Kantona Sarajevo, održanoj dana 24.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. stav 1. Poslovnika Skupštine Kantona Sarajevo, uputila je zastupničku inicijativu kako slijedi:

"Pokrećem inicijativu za otvaranjem Ureda za mobing i zaštitu dostojanstva radi prisutnosti ove negativne društvene pojave koja poprima sve šire razmjere sa ciljem prevencije i zaštite ljudskih prava ljudi koji su na radnom mjestu izloženi raznim oblicima neprihvatljivog ponašanja koje šteti dostojanstvu čovjeka, ugrožava njegovo zdravlje fizičko i mentalno, ugrožava zdravlje njihovih porodica ili može kompromitovati žrtvinu profesionalnu budućnost."

S tim u vezi, Ministarstvo pravde i uprave dostavlja sljedeće izjašnjenje:

Ideja predmetne inicijative je, kako je navedeno i u obrazloženju, pružiti besplatnu pravnu i psihološku pomoć građanima koji su na radnom mjestu izloženi mobingu, te izvršiti prvu prevenciju prema žrtvi mobinga i posredovati u lancu djelovanja ombudsmen, poslodavac i tužilaštvo.

Mobing kao specifična forma nefizičkog uznemiravanja na radnom mjestu, predmet je Zakona o radu ("Službene novine Federacije Bosne i Hercegovine", br. 26/16, 89/18 i 44/22), te Zakona o zabrani diskriminacije ("Službeni glasnik BiH", br. 59/09 i 66/16), kojim je propisan kao oblik diskriminacije. Centralna institucija nadležna za zaštitu od diskriminacije je Ombudsmen za ljudska prava Bosne i Hercegovine, koja, između ostalog, zaprima pojedinačne i grupne žalbe u vezi s diskriminacijom, fizičkim i pravnim licima koja su podnijela žalbu zbog diskriminacije daje potrebna obavještenja o njihovim pravima i obavezama, te mogućnostima sudske i druge zaštite.

Kada je u pitanju Kanton Sarajevo, Zakonom o pružanju besplatne pravne pomoći ("Službene novine Kantona Sarajevo", br. 1/12, 26/14 i 40/17), između ostalog, regulisani su oblici ostvarivanja besplatne pravne pomoći i postupci u kojima se pruža besplatna pravna pomoć. Prema ovom zakonu, određeni korisnici ostvaruju pravo na besplatnu pravnu pomoć, kao pravo na opće



informacije o pravima i obavezama, pravne savjete, pravnu pomoć pri sastavljanju svih vrsta pismena, zastupanje pred organima uprave i drugim organima i institucijama, zastupanje na sudu, pravnu pomoć u postupcima mirnog rješavanja spora i dr., iz čega proizilazi da su, za građane koji ispunjavaju zakonom propisane uslove za korištenje besplatne pravne pomoći, već osigurani mehanizmi pružanja pomoći i pravnih savjeta i u slučajevima koji su predmet inicijative.

U odnosu na primjere dobre prakse iz regije na koje se upućuje u inicijativi, ističemo da u Crnoj Gori i Srbiji posredovanje u slučajevima mobinga vrše agencije za mirno rješavanje radnih sporova, koje su osnovane kao posebne organizacije zakonima o mirnom rješavanju radnih sporova.

U Republici Hrvatskoj građani mogu zatražiti besplatnu sekundarnu pravnu pomoć kod upravnog tijela županije za pružanje besplatne pravne pomoći, ukoliko ispunjavaju propisane uslove za korištenje besplatne pravne pomoći.

Navedena oblast u Bosni i Hercegovini regulisana je u entitetu Republika Srpska posebnim Zakonom o zaštiti od uznemiravanja na radu kojim je propisano da radnik koji smatra da je pretrpio uznemiravanje na radu može podnijeti prijedlog za mirno rješavanje radnog spora Agenciji za mirno rješavanje radnih sporova, koja je osnovana zakonom kao javna ustanova. U Federaciji Bosne i Hercegovine postupak mirnog rješavanja radnih sporova regulisan je Zakonom o mirnom rješavanju radnih sporova Federacije BiH ("Službene novine Federacije BiH", broj 49/21). Iz navedenog proizilazi da je oblast zaštite od uznemiravanja na radnom mjestu regulisana propisima viših nivoa vlasti, te da bi efikasniji mehanizmi za zaštitu od uznemiravanja na radnom mjestu, što uključuje i osnivanje posebnih organa, mogli eventualno biti regulisani federalnim propisom.

Imajući u vidu nadležnosti organa čije se osnivanje inicira, ističemo da ne postoje uslovi da se takav organ osnuje shodno članu 54. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), s obzirom da prema ovom zakonu, stručne službe osniva vlada kantona za svoje potrebe i potrebe kantonalnih organa uprave i kantonalnih upravnih organizacija.

Ministarstvo pravde i uprave prepoznaje važnost osiguranja sveobuhvatne zaštite i podrške žrtvama mobinga, kao i dodatnog jačanja mehanizama zaštite radnika koji su na radnom mjestu izloženi raznim oblicima neprihvatljivog ponašanja, na što se ukazuje u inicijativi. Međutim, imajući u vidu sve prethodno izneseno, kao i činjenicu da su mobing, odnosno uznemiravanje na radnom mjestu i mehanizmi zaštite predmet regulisanja propisa viših nivoa vlasti, stav ovog ministarstva je da ne postoje opravdane pretpostavke za osnivanje Ureda za mobing i zaštitu dostojanstva na način kako je predloženo u predmetnoj inicijativi.

S poštovanjem,

Dostaviti:

1. Naslovu;
2. a/a.

MINISTRIČA
[Redacted Signature]
Đarja Softić Kadenić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

29-03-2023

u 13,15

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

30/03/23

Broj:01-04-7728-2/23
Sarajevo, 24.03.2023. godine

Vlada upoznate
na sjednici
30/03/23.

[Redacted]

Zastup.

- VLADA KANTONA SARAJEVO

Min. pravde i uprave
Federacija Bosne i Hercegovine
KANTON SARAJEVO


PREDMET: Zastupnička inicijativa, dostavlja se

04-04-2023
03 04 8904
03 1785
Pb: 24

Zastupnica Marijela Hašimbegović u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na Petoj radnoj sjednici Skupštine Kantona Sarajevo, održanoj dana 24.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa



PREDSJEDAVAJUĆI
SKUPŠTINE KANTONA SARAJEVO

Elvedin Šerić

CO:

- sekretar SKS

⊖ sekretar Vlade



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

1/1



DEMOKRATSKA FRONTA BOSNE I HERCEGOVINE
povjereništvo DF Novo Sarajevo
Adresa: Radićeva 8
Tel: 033 710 400
Web: www.dfsarajevo.ba
E-mail: sekretarijat@fronta.a

VLADA KANTONA SARAJEVO

PREDMET : ZASTUPNIČKA INICIJATIVA za 5. radnu sjednicu Skupštine Kantona

Pokrećem inicijativu za otvaranjem Ureda za mobing i zaštitu dostojanstva radi prisutnosti ove negativne društvene pojave koja poprima sve šire razmjere sa ciljem prevencije i zaštite ljudskih prava ljudi koji su na radnom mjestu izloženi raznim oblicima neprihvatljivog ponašanja koje šteti dostojanstvu čovjeka, ugrožava njegovo zdravlje fizičko i mentalno, ugrožava zdravlje njihovih porodica ili može kompromitovati žrtvinu profesionalnu budućnost.

Obrazloženje:

Mobing je sociološko-zdravstveni problem i svakako pravno pitanje koje podrazumjeva normativno uobličavanje sistema prevencije i zaštite od svih oblika nasilja na radnom mjestu. Pravni normativi po pitanju mobinga ostavljaju žrtvi samo jednu mogućnost, a to je sudski proces putem kojeg mora dokazivati mobing što je dodatna trauma za žrtvu koja replicira već proživljeno složeno iskustvo.

Ideja inicijative je pružiti pomoć našim građanima u prvom koraku kojeg se često iz straha od gubitka posla ne usuđuju učiniti. Ured za mobing i zaštitu dostojanstva treba pružiti besplatnu pravnu i psihološku pomoć, izvršiti prvu prevenciju prema žrtvi i svakako posredovati u lancu djelovanja ombudsmen, poslodovac i krajnjem slučaju tužilaštvo. Ured bi takođe radio na Registru prijavljenih za vršenje mobinga. Ovakve mjere će vjerujem napraviti promjenu i kod onih koji se služe ovakvim oblicima ponašanja na radnom mjestu kojih je sve više u javnom i realnom sektoru, a za žrtve mobinga vrsta zaštite koja je vrlo važna kada se žrtve osjećaju same i napuštene.

Ukoliko se zalažemo za društvo temeljeno na vrijednostima demokracije, tolerancije, pluralizma te zaštite ljudskih prava važno je osigurati sveobuhvatnu zaštitu i podršku žrtvama mobinga. Takođe je važno osigurati saradnju između javnog sektora, akademske zajednice i civilnog društva sa ciljem podizanja svijesti o zaštiti ljudskih prava

Pravni okvir za pokretanje ove inicijative prepuštam Vladi Kantona u nadi da će se prepoznati važnosti ove inicijative i svakako u dobroj namjeri preporučujem provjeriti primjere dobre prakse iz regije.

U Sarajevu,
24.03.2023 godine

Marijela Hašimbegović dia
zastupnica